

# सजधज बैठयो लागे सोहणो मिजाजी म्हारो सांवरियो



सजधज बैठयो लागे सोहणो,  
लीले पे हो असवार,  
मिजाजी म्हारो सांवरियो।bd।

---

चांदनी रातां में भी,  
चंदो फीको पड़ जावे जी,  
जो गुलाबी अधरा से,  
म्हारो सांवरो मुस्कावे जी,  
अधरा पे सोहे बांसुरी,  
छिड़े भांत भतिलि तान,  
मिजाजी म्हारो सांवरियो,  
लीले पे हो असवार,  
मिजाजी म्हारो सांवरियो।bd।

---

शीश मुकुट घुंघराली लट,  
माथे तिलक केसरियो जी,  
कामणगारा नैणा से,  
कर ग्यो कामण वो छलियो जी,  
मुछ्छा पे ताव आंके जोर को,  
मुछ्छा पे ताव आंके जोर को,  
लीले पे हो असवार,  
मिजाजी म्हारो सांवरियो।bd।

---

सतरंगी बागा पे आ के,  
गोटा की किनारी जी,  
अंतर की खुशबु से महके,  
'गोलू' दुनिया सारी जी,  
प्यार लुटावे मोकलो,  
म्हारो सेठ बड़ो दिलदार,  
मिजाजी म्हारो सांवरियो,  
लीले पे हो असवार,  
मिजाजी म्हारो सांवरियो।bd।

---



सजधज बैठचो लागे सोहणो,  
लीले पे हो असवार,  
मिजाजी म्हारे सांवरियो।bd।

Singer – Mayank Agarwal

---